

Y peth cyntaf y bydd yn rhaid i chi ei benderfynu wrth brynu blwydd-dal oes yw a ydych am flwydd-dal sengl lle bydd y taliadau yn dod i ben pan fyddwch chi'n marw neu flwydd-dal ar y cyd a fydd yn rhoi incwm i'ch partner neu blentyn sy'n ddibynnol yn ariannol ar ôl i chi farw.

Os nad oes gennych ddibynyddion mae'r dewis yn syml, bydd blwydd-dal sengl yn iawn i chi.

Os yw eich partner neu blentyn yn dibynnu arnoch chi yn ariannol, mae'n debyg mai blwydd-dal ar y cyd fydd yn iawn i chi gan y bydd yn talu incwm iddo/iddi am weddill ei h/oes neu yn achos plentyn dibynnol, nes y bydd yn 23 oed fel arfer.

Ond, un peth i'w gadw mewn cof yw bod blwydd-dal sengl yn talu incwm ymddeol uwch na blwydd-dal ar y cyd > oherwydd mae blwydd-dal ar y cyd wedi ei gynllunio i dalu am fwy o amser.

Os oes gan eich partner ddigon o incwm yn barod i fyw arno yn ei h/ymddeoliad, er enghraifft, o'i b/phensiwn ei hun, bydd dewis blwydd-dal sengl yn rhoi mwy o incwm i chi yn eich ymddeoliad.

Bydd yn iawn hefyd os nad oes disgwyl i'r dibynnydd fyw ar eich ôl chi.